




## II. UDALAREN GAZTE PLANAREN LANKETA PROZESUA

### 1. I GAZTE PLANAREN EBALUAZIOA, ETA ERREALITATEAREN DIAGNOSTIKOA

Planifikazio prozesu ororen abiapuntua eragin nahi duen errealitate zehatza izan behar du, eta ez soilik ikuspegi tekniko batetik hartuta, baita ikuspegi zientifikotik eta pertsona hartzaileen iritzi eta balorazioetatik abiatuta. Asmo horrekin, diagnostiko lan bati ekin genion 2008ko azken hiruhilekoan, esparru eta ikuspegi desberdinetatik ekin ere:

- EHUko Soziologia 2 Saileko CEIC/IKIren laguntzarekin (Identitate Kolektiboen Ikertegia) 2008ko Gasteizko gazteriarri eta etorkizuneko erronkei buruzko azterlana osatu dugu. Abenduaren 2an aurkeztu genituen gazteriarri buruzko azterlan soziologikoaren emaitzak. Ekitaldian gazte, elkarteetako ordezkari, eta Udaleko teknikari eta politikari ugari bildu zen.
- Aldebiko bilerak egin ziren I Gazte Planean inplikaturako sail eta zerbitzuekin, plan hartako ekintzak baloratzeko, teknikarien ikuspegi desberdinetatik gazteriarri buruzko analisiak biltzeko, eta gazteen kolektiboak Udalaren sektorekako arloetan planteatzen dituen erronken berri izateko.
- Urtariletik aurrera, eta hiru aldetako lankidetzaren bidez (Invesco, EHU eta Gazteria Zerbitzua) **inkestak bat egin zitzaizkien gazteei**, 851 elkarrizketa pertsonaletan oinarrituta; horren asmoa gazteek I Gazte Planaren gaineko oharmena eta balorazioa jasotzea zen, bai eta II Planaren gainean zituzen aurreikuspenak ere.

Fase horretako lana hiru zirriborrotan bildu zen: gazte Planari buruzko Txosten-Ebaluazioa, I. eranskina (2006-2008ko ekintzen burutze-txostena), eta II. eranskina (Gazteriaren egoeraren azterketa). Zirriborro horiek Gazte Planaren jarraipena egiten den hiru mailetan aurkeztu ziren (elkarteak, politikariak, eta teknikariak), kontrastea egin eta balizko ekarpenak erantsi ahal izateko.





Laburbilduz, ebaluazioan egindako lanak errealitatea ezagutzea eta Udalaren II. Gazte Planaren planifikazioaren baitan erabakiak hartzea ahalbidetu zigun.

Hauxe izan zen hiru Jarraipen batzordeekin jorrotutako lehen proposamena; Plan berria aurrekoan atzemandako beharrei erantzungo zieten bost lerroren inguruan egituratzea; honakoak dira identifikatutako lerroak:

1. **1. lerroa:** Emantzipazioa eta autonomia.
2. **2. lerroa:** Parte hartzea, sormena eta berrikuntza.
3. **3. lerroa:** Bizitzarako hezkuntza
4. **4. lerroa:** Integrazioa eta gizartekoitasuna.
5. **5. lerroa:** Gazteen egoera ikustaraztea eta zeharkakotasuna.

Lerro guztiak dira zeharkako, Udalaren hainbat sail eta zerbitzuri eragiten dieten neurrian. Baina, beste guztien gainetik, 5. lerroa; izan ere, bere bidez gazteriaren errealitatearen egoera eta plana burutzeari buruzko informazioa ikustaraztea nahi da, betiere udaleko ikuspegitik abiatuta.

## 2. ERRONKAK

Behin lerroak identifikatuta, hurrengo urratsa jorratu nahi genituen erronka edo jomuga jakin batzuk zehazten saiatzea izan zen. Asmo horrekin, elkarte, politikari, eta teknikariek –bakoitzak bere eremuan– aipatutako erronka guztiak jaso genituen.

Erronkak bildu ostean, berriz, beraien artean premiazkoak (1. mailakoak), garrantzitsuak (2. mailakoak) eta desiragarriak bereizteko ahalegina egin genuen. Beraz, eta hiru esparruetako eragile inplikatuak ekarpenak aintzat hartuta, Udalaren II. Gazte Planaren eramuin izango diren erronkak hautatu genituen, honako hauek:

### ● 1. lerroa: EMANTZIPAZIOA ETA AUTONOMIA

- 1.1. **ERRONKA:** Lan-merkatuan sartzeko tresna eta baliabidez jantzitako gazteak.
- 1.2. **ERRONKA:** Gazteen beharriaz eta aukeretara egokitutako etxebizitza-eskaintza.

### ● 2. lerroa: PARTE HARTZEA, SORMENA ETA BERRIKUNTZA

- 2.1. **ERRONKA:** Gazteen parte hartzea onartzeko eta sustatzeko prest dagoen hiria.
- 2.2. **ERRONKA:** Gazteak, eragile aktibo eta sortzaile.

### ● 3. lerroa: BIZITZARAKO HEZKUNTZA

- 3.1. **ERRONKA:** Gazte kritiko, arduratsu, elkartasuneko eta baloreetan sentsibilizatuak.

### ● 4. lerroa: INTEGRAZIOA ETA GIZARTEKOITASUNA

- 4.1. **ERRONKA:** Gasteiz, egoera sozial okerre aurre egiten dien hiria.
- 4.2. **ERRONKA:** Gasteiz, gazteentzako topagune eta elkarbizitzarako lekua.
- 4.3. **ERRONKA:** Sormena, elkartzea eta aisialdia abiapuntu, hiri-kultura sortzen duten gazteak.

### ● 5. lerroa: GAZTEEN EGOERA IKUSTARAZTEA ETA ZEHARKAKOTASUNA

- 5.1. **ERRONKA:** Gasteiz, gazteak baloratu eta errespetatzen dituen hiria.
- 5.2. **ERRONKA:** Gasteiz, gazteak present eta protagonista dituen hiria.
- 5.3. **ERRONKA:** Gazteria zeharkako bihurtzera jotzen duen udal antolakuntza, gazteria bere zerbitzu eta sail guztien eta beste erakunde batzuen ekintzaren hartzaille gisa ulertzearen bidez.

Erronka horiek jomuga jakin batzuetara bideratzen gaituzte, baina zehaztu egin behar da erronka horietako bakoitzean aurrera egiteko zenbateko guraria eta ahalmena dugun, betiere eskura ditugun baliabide eta aukerak, eta Udalaren eskumenen testuingurua kontuan hartuta. Hori dela eta, teknikariek eta elkarteetako ordezkariak osatutako zeharkako taldeak eratu genituen, eta erronka bakoitzari



zegozkien helburu eta adierazleak osatzen elkarrekin lan egin zezaten eskatu. Guztira 70 bat pertsona inguru aritu da, Udalaren sailletako langileak eta gai jakin batzuetan adituak.

### 3. HELBURUAK

Behin erronkak adostu zirelarik, helburu eta adierazleak osatzeko metodologiara jo genuen; hartara, batetik zeharkako taldeetako partaideen lana erraztuko zen, eta bestetik hizkera eta metodo berbera erabiliko zen, nola helburuen osieran, hala adierazleenean ere. Bileretako asmoa aurkeztutako helburu guztiak bildu, eta eduki-zuhaitz baten antolatu eta sailkatzea zen.

Lerro bakoitzeko bilera bat egin zen, eta horietan lerroetan zerikusia zuten sailletako teknikariak, lerro bakoitzeko alderdi jakin batzuekin zerikusia zuten elkarteetako ordezkariak, eta bakoitzeko funtsezko gaietako adituak bildu ziren. Erabilitako dinamikek erronka zehatz bakoitzari zegozkion helburu eta adierazleak berezi eta biltzen lagundu zuten.

Lerro bakoitzeko helburu eta adierazleak jasotzen zituen taulak helarazi genizkien politikarien eta elkarteetako kideen Jarraipen batzordeetara, horiek beren ekarpen eta aldaketak egin zituzten.

### 4. EKINTZAK

Hurrengo urratsean, aurretiaz adostutako helburuak lortze aldera abiaraziko genituen ekintza zehatzak definitzea izan zen. Prozesua inplikaturako eragile guztiei ireki genien, eta, behin ekintzak jasota, alde biko bilerak egin ziren sail eta erakunde autonomo guztietako buruekin, horietako bakoitzari ekiteko aukerak eta sail bakoitzari legokiokeen ardura aztertu asmoz, bai eta bakoitzaren denbora-banaketa, aurrekontua, jarraipena eta ebaluazioa.

Zirriborrea politikarien eta elkarteetako kideen batzordeetara bidali zen, horiek baliozta zezaten; betiere ekarpenak, inbentarioak eta beste egiteko aukera eman zitzaizkien.

### 5. JARRAIPENA ETA EBALUAZIOA

Azaldu dugun lan guzti horrek eskatzen du: batetik esku hartzeari buruzko informazio, jarraipen eta ebaluazio tresnak; bestetik, errealitatea ezagutzen laguntzekoak ere.

Udalaren II. Gazte Planak bere baitan hartzen ditu jarraipena eta ebaluazioa egiteko tresnak. Jarraipen- eta ebaluazio-lanetan planifikazio hau osatzen lagundu duten eragile guztiek eta Gasteizko gazteriaren Behatokiak hartuko dute parte. Horretarako, Gazte Planak (helburuak bitarte) eragin nahi duen errealitatearen eboluzioa islatuko duten adierazle-bateria erabiliko du.

## UDALAREN II. GAZTE PLANA PRESTATZEKO PROZESUAN PARTE HARTU DUTEN PARTAIDEEN ZERRENDA

#### GAZTE INTERESEKO ERAKUNDEAK

AJEBASK  
Euskadiko Gazteriaren Kontseilua  
Gauekoak elkartearen Federazioa  
Sexagerian  
ADSIS Fundazioa  
Gazteok XXI  
ASAJER  
Eginaren Eginez  
Euskal Herriko Eskautak  
Gurutze Gorria Gazteria  
Ola 19 ACULRA  
Gazteria eta etxebizitza lan taldea



Gazte Sozialistak  
 EGI  
 Gazte Gasteiz  
 Elkarlanean

**GAZTEAK, BERE IZENEAN**

**UDAL SAIL ETA ZERBITZUAK**

Gazteria Zerbitzua  
 Berdintasunerako Zerbitzua  
 Herritarren Parte-hartzerako Zerbitzua  
 Euskara Zerbitzua  
Ekonomia Sustapen eta Estrategia Plangintzaren Saila  
 Ikerketa Bulegoa  
 Informazioaren Teknologien Saila  
 Kultura Saila  
 Montehermoso Kulturunea  
 Osasun eta Kontsumo Saila  
 Hezkuntza Saila  
 IGI (Ingurugiro Gaietarako Ikastegia)  
 Kirol Saila  
 Udaltzaingo Zerbitzua  
 Gizartegintza Saila  
 Hirigintza - Plangintza Saila  
 Prentsa Aholkulariak

**UDAL ENPRESAK**

ARICHSA (Hirigune Historikoa Era Integralean Biziberritzeko Agentzia)  
 21 Zabalgunea

**BESTE ERAKUNDEAK**

KREA  
 Berritzegune  
 San Prudentzio Lan-fundazioa

**TALDE POLITIKOAK**

Euskadiko Alderdi Sozialista (PSE-EE)  
 Alderdi Popularra (PP)  
 Eusko Alderdi Jeltzalea (EAJ-PNV)  
 Ezker Batua (EB)  
 Eusko Alkartasuna (EA)